

悔餘庵詩藁



悔餘庵詩藁



同治乙丑仲夏  
葉廷鳩江表樞

悔餘卷詩稿目錄

卷一

古今體詩六十八首

卷二

古今體詩九十八首

卷三

古今體詩九十八首

卷四

古今體詩一百三十九首

卷五

古今體詩一百三十四首

卷六

古今體詩五十三首

卷七

古今體詩一百四十四首

卷八

古今體詩一百六十三首

卷九

古今體詩七十二首

卷十

古今體詩一百三十首

卷十一

古今體詩八十五首

卷十二

悔餘卷詩稿目錄

半畝園藏書



古今體詩二百一十首

悔餘菴詩稿目錄

二

半畝園  
藏書

古今體詩二百一十首

江陰 何 栻 廉昉

古今體詩六十八首

甲午至 戊戌

吳六姊

原作約百首 今記其十

廿五年來謫盡宮絕塵本有道家風十分心血消磨盡半在詩  
中半病中

細雨斜風送出門當時氣色黯銷魂枕中詩在頻揮淚不辨新  
痕與舊痕

壓折天桃一夜霜淒然何以慰高堂可憐老父家書到三日前  
猶寄藥方

千里迢遙竟未知病身總仗藥扶持異時家信頻仍寄猶恐慙  
慙問六兒

悔餘菴詩稿卷一

一

半敬園 藏書

姊妹花開總不離此番相見更無期瓊花本是瑤臺種王母來  
收第六枝

神鍼自繡嫁衣裳誰料熒煌歷險裝人世因緣三十日抵他牛  
女卅年長

分手匆匆一月纔尼行無奈瘡為災不堪撒瑟傷心語七弟如  
何竟不來

慧業天生酷愛詩四聲翻以弟為師嘔心佳語流傳偏始信癡  
心不是癡

瘦秋詩集有遺聲鶴背珊珊瘦骨輕卻被世人知姓氏前身可  
是許飛瓊

七字纏綿伏枕吟燈前鬼氣已森森一編不忍頻翻讀疑有鍼  
芒會刺心

姊出閣後於枕畔得聽雨思烈絕句云燈影欲殘風 自冷淚珠還比雨珠多子訝其詩有鬼氣不祥之兆

丁酉春二月十九日汪北魚翼鯉錢蔭湘維樾偕錫山

孫子飛見枉招遊君山梅花書院別後北魚以詩索和

卽次原韻書院為家大人修葺五松始葺工

種梅三百樹泉石凝餘韻風流在吾黨肯使蘇公獨春寒蹇遊  
屐與豪卧不服峰仍江上青疇鼓湘靈曲指客得三人行歌來  
不速聯步入翠微擺脫塵羈束浣此雙瞳光一瀉江水淥鬪茗  
沁芳泉圍坐騁幽矚韻事屬汪倫豪吟動成贖錢君好手談情  
未攜棋局狂招孫子荆漱石枕飛瀑我與山為鄰遊山我最熟  
忘形恣談笑隨風唾成玉空青灑衣袂松濤瀉萬斛徘徊不能  
去選石踞巖腹自匪屈靈均敢笑人皆濁醫俗乏靈丹孤懷抱  
元邈昂首一長嘯驚起蛟龍伏逸情與雲上不受風霆劖長揖

悔餘詩稿卷一

二

半放閣藏書

謝青山將乘牛渚舳抉漢分天章攜向人問讀歸當此痛飲江  
波釀醪醪得句問山靈驚得山靈哭鏗然沈暮鐘起視扶桑綠  
梅花耐寂寥不款師雄宿行行送客歸足音寄空谷

過汪北魚香南齋時攜琴僧墨隱畫史吳冠英遊大小  
石灣久待不歸賦此卻寄四首

一庭花木半牀書省識詩人小隱居種秫有田娛靖節時北魚合祖海

門先生解賣文徒壁陋相如樓臺自搨天然畫門巷常停長者

車報道主人遊未倦春山載酒樂于予

海嶽搜尋小洞天桃花迎笑識詩顛展喧靈運驚山賊琴撫成

連續水仙緇白談禪參馬鬪丹青寫本待龍眠只愁采藥迷歸

路飯熟胡麻定有緣

香南齋裏坐逡巡觸目琳瑯色色新開闢謨觴輸此境摩挲端

視比斯人詩文磊落難爲敵金石熒煌信不貧莫羨瑯嬛稱福地一牆便已隔紅塵

到家剛是月來時拌被山靈笑客癡今雨長吟杜陵句春風偷

讀竹龕詩北魚別號竹龕居士夢中高惠應知路別後汪倫定有辭更約

尋花謀一醉莫教零落碧桃枝

汪大翼翼鱈買舟載酒約爲承墩之遊遇雨不果

桃花一笑春風顛花中疑有天台仙天台仙子舊相識契闊紅塵二十年紅塵夙負看花債見花時下元章拜平生手蠟屐一雙踏破三千里世界汪倫情比花潭深沾春不惜雙南金清溪曲曲通香國桂楫蘭橈約放吟一春三月半風雨風風雨雨春無主鳩唳鷓鴣喚不可聽有情終覺天難補補天何術駐春光迎春送春飛燕忙重簾不隔燕來去胭脂溼染烏衣香香風吹斷

悔襲詩稿卷一

三

半畝園藏書

香溪路詩狂久受東皇如南陽高士仙緣慳不敵溪頭老漁住漁舟款乃自聾聾花落如何載酒行憶花空有尋花夢終負汪倫一往情情深聊向詩中說詩成卻奉花神閱花神寄語勸諸君相思莫嘔奚囊血

次北魚見贈原韻

君能仿古我翻新著手平分兩樣春彝器追摹三代物詩龕供養六朝人性情本不拘成格山水如何受俗塵更築糟臺把雙杓白衣莫遣往來頻

偕汪北魚翼鱈諸子登君山梅花書院試龍井茶書院爲

國初學使蘇公銓讀書處先大夫就其地拓屋數十間俾邑人肄業

緇衣葛斛塵羞與山靈見十日不登高眼界小如線今赴故人招又覩山靈面手攜龍井雲泉學茗戰茗香泉復甘詩意胸

中鍊長天展雲蓋光掩溪藤豔孤塔對搖筆澄江供洗  
莫久坐久恐滄桑變我來山如迎我去山如戀游思落天外餘  
霞飛片片

天女散花圖

禪和守枯寂學佛舛門徑自我有眼鼻卽與色香麝不隨歡喜  
緣安得清淨境天女來何從空中立腳定臨風一指揮花起因  
風迅一花初迴翔千花相掩映千花如一花花見佛性有花  
是因緣無花乃究竟眼鼻於色香如影在明鏡又如月在水如  
寄亦如贈如是現身說若爲點頭聽

題終南進士圖

電光睽睽搖雙瞳虬髯颯爽生秋風綠袍襖緹革鞞橐此是終  
南進士公終南血石千秋紫名經一捧英雄死方干便受黃麻  
封不才難雪生前恥三尺龍泉風夜吼大鬼狂跳小鬼走半生  
抑鬱不平氣不能殺人乃殺鬼榴花紅照萸蒲綠一尊拜爵中  
山醮雄心九死尚擎雲卓午天庭吐光旭

書號舍二首

又作封侯夢黃梁飯熟不佞懷吳市丐踟躕楚冠囚妄想紗遮  
眼難堪屋打頭淒然風露下更鼓動層樓  
依樣胡盧畫文章詭墨豬字形訛伏獵夢境斷華胥掃禿生花  
管揮殘帶草書三條官燭盡得失意何如

秦淮雜詠八首

舞謝歌臺處處新水雲爲界月爲鄰平分虎踞龍盤地半著鶯  
愁燕惱人鏡下芙蓉占及第門前楊柳解藏春秋心寄與文波  
綠客到青溪喚渡頻

金碧樓臺繪六朝。祇今秋夕勝春宵。三更燈影搖歌舫。十里脂  
香膩畫橋。甲帳鎖雲誰夢熟。丁簾鉤月總魂銷。秦箏趙瑟東西  
是。小字何從記楚翹。

紅闌十二記西家。水榭風廊認已差。燕子窺妝頻入幕。鸚哥解  
語慣呼茶。停撓是處迎桃葉。倚枕何人夢榜花。祇爲朱顏輕一  
笑。涼篷鎮日弄橫斜。

花榜泥金署兩楹。姑蘇字樣注分明。能消六代英雄氣。漫博三  
生薄倖名。紈扇爭題名士款。瓊簫偷送美人聲。眼中自分因緣  
淺。卧聽笙歌到五更。

賣花人唱夜來香。各自憑闌鬪晚妝。何惜揮金徵北部。儘教窺  
玉倚東牆。輕迴響屐迎歡悄。私解明璫送別忙。我有閒情消不  
得。斜風細雨耐秋涼。

悔餘菴詩稿卷一

五

半畝園  
藏書

繡戶迎風徹夜開。柳枝無主繞章臺。朝添十斛青螺價。暮燼千  
條絳蠟灰。蓬梗最憐人老去。桃花應笑我重來。酒酣厭聽紅牙  
拍。鐵板銅琶唱一回。

板橋何處媚香樓。零落桃花扇底秋。月落更無圓缺相。水流不  
盡古今愁。雙鸞學舞羞明鏡。五馬思歸典敝裘。寄語烏衣諸子  
弟。漫隨梁燕踏簾鉤。

絕代蛾眉淡掃難。衣香鬢影太珊珊。熱腸只要黃金買。冷眼難  
當碧玉看。夢裏生涯魂易斷。空中色相指誰彈。風流自合推江  
左。絲竹東山有謝安。

雨花臺

屣脫河山奉釋迦。甘將袈繡易袈裟。座中荷荷曇雲散。郭外蕭  
蕭夕照斜。四百樓臺多宿草。三千世界盡空花。登臨莫問興亡

事木末亭前賦楚些

莫愁湖

畫圖依舊寫真真。湖上樓臺幾度新。靜與山光清與水。瘦宜秋色淡宜春。南朝那得埋愁地。北里猶多賣笑人。小住卻依雙海燕。鬱金堂裏話逡巡。

清涼山

蒼茫獨立翠微亭。眼底嵐光繞郭青。松頂雲盤飛鶴住。竹叢風嘯卧龍醒。買山可惜山無主。拜佛都應佛有靈。坐對莫愁湖水碧。藕花香裏一舟停。

隨園

一碧檀欒晝欲昏。半依城市半依村。直從仙佛爭山水。能使文章護子孫。似續已流三世澤。太史後人居此已三世矣聲名長駕五侯門。清

悔餘菴詩稿卷一

六

半畝園藏書

才分合邀清福我願天池洗鈍根

燕子磯

虎踞龍蟠地。偏容燕子飛。前朝如逝水。終古此危磯。亂石和雲墜。遙湍誤雪霏。松間危坐久。空翠溼征衣。

金山

四百南朝寺。樓臺此獨深。江山千里目。笠屐一生心。塔險扶雲立。鐘寒抱月沈。中冷清欲絕。爲我浣塵襟。

戊戌上元日計偕北上賦此

唱起驪駒送別聲。梅花明月滿江城。雲山莫復回頭望。塵海從今放膽行。鑄我有爐憑造化。牽人如線是功名。本來身世同棋局。此日初開第一枰。

十一月又三日蔭湘招飲於紫薇花館同人卽席賦詩

分天涯誰是酒同僚詞句爲韻得僚字

龍華驚謫羣仙曹風流雲散誰爲招紅塵十丈落人海遽廬天  
地浮生僑芙蓉江頭亘奇氣山涯水涘開詩竈疎星落落幾知  
已旌旂對舉詞壇高登壇抗手執牛耳可以凌轢風與騷雄心  
傲骨兩不讓分疆畫界稱人豪翰墨因緣有神契高情奔秩雲  
霞交琴囊茗碗數徵召三日不見思鬱陶天寒雲懶欲釀雪攤  
書孤坐殊無聊輟吟不覺食指動紫薇花館伴來邀衝寒健步  
出門去行腳有如僧打包登堂不作揖拜禮主人客子皆逍遙  
清談捉塵少延立相如後至鄒枚驕須臾展席列華筵杯盤絡  
繹修家肴將軍此腹豈負負詩腸寬可千鍾澆虎頭食肉擅奇  
相清饒哲學髻蘇鬢低斟淺酌不稱意侏儒一飽空君庖狂奴  
故態勃如作搏戰突與羣雄鏖沈酣痛飲不知暮爛兮紅燭雙

悔餘庵詩稿卷一

七

半放園藏書

高燒破除舊例出酒政森森軍令監通逃橙黃橘綠檢詩料奇  
思迸入霜窈窕八叉妙技久純熟彈丸脫手如宜僚縱橫筆陣  
掃儻弱爭以後勁丁前茅長城卓立鐵如鑄攻堅直使偏師撓  
千鍾百鍊構奇傑殘盃度閣中山醪對酒欲醉不得醉搖搖坐  
斷詩人腰岸然擲筆笑而起凌霄吐氣虹如橋詩城佳境各自  
領朗吟不許攙喧囂隨風唾咳落珠玉自然天籟諧笙簫詩狂  
酒狂兩無敵醒狂更欲迫寬饒停杯啜茗興未已後期又指梅  
花梢人間極樂不多得清福要與吾儕消吾儕俱養只此足有  
酒一甌詩一瓢可惜名韁苦拘縛燕臺促我驅車勞行將揮手  
別鄉邑關山千里吟鞭敲人生離合本無定因風聚散如浮藻  
諸君幸各負奇偉珠光劍氣誰能韜何當聯袂踏風去大羅天

上和雲韶

題北魚綠梅花下詠詩圖

寒香壓詩骨花朵輕於棉堅瘦一枝筆寫破彤雲天筆所未到處疎影爲之填微吟寄孤寂驚醒羅浮仙靜悟不可說笑拍朝雲肩

題程畹亭蘭如貞女詩稿

天豈蛾眉忌文章厄薜華塵心艾碧草詩骨斲瓊花雲奪迴文錦風生步障紗一持冰雪卷直勝捧黃麻

舟次召伯埭趙春畦大有秀才畱飲席間贈趙小莊福

千戶二首

百尺樓頭踞此身千秋湖海屬斯人陳登自昔爲豪士汲黯於今是憊臣擲地飛聲詩句健倚天吐氣劍光新狂歌不惜從君醉一洗胸中十斛塵

悔餘菴詩稿卷一

八

半畝園藏書

滿江紅是岳家詞競病吟成亦我師對酒不知賓與主揮毫眞覺畫皆詩破除壘塊歌三疊推倒英雄筆一枝可惜風塵相見晚不堪春樹動離思小莊能書工入分畫法奇逸酒後歌邊聲以筋扣盤和之妙合宮徵絕技也

贈趙春畦

結客場中病有聲酸鹹嗜好最分明雙南直欲摹詩佛三北何曾避酒兵肝膽向人惟古道性情於此見生平他年倘翦窗前燭掃榻京塵話舊盟

邳州道中作

直自南天到北天客程那復計三千名心未淨爭先路傲骨禁磨趁少年入世有情皆眷屬出門無病卽神仙趨庭不作離家想一望燕雲一快然

圯橋

一擊倉皇中副車少年意氣太粗疎通靈獨有能言石歷劫猶  
存未燬書千古韜鈴今闕佚五更風露我踟躇往來不見飛鳧  
落畱意橋邊野老居

望芒碭山感漢高帝事

茫茫雲氣隱芒碭逝水功名逐鹿忙三尺劍非無與敵一杯羹  
子未曾嘗韓彭忍使陳豨誤平勃陰爲呂雉防慷慨歌風兩行  
淚英雄難免笑郎當

燕太子丹墓

荆卿報知己太子死社稷咄哉樊將軍頭顱真可惜事成不成  
誰得知祖龍之魄爲爾禡君不見圯橋孺子帝者師當時乃有  
博浪椎

禮闈被放自遣

悔餘菴詩稿卷一

九

全十放閣  
燕藏書

十載功夫比蠹魚鳴珂慚愧故人居文章奪命原難事收拾名  
心補讀書

贈同年生姑蘇馮林一桂芬二首

蘇家豪俊米家顛醫俗能令骨亦仙人與奎光同一譏我望劍  
氣已三年下風甘作低頭拜今雨新畱把臂緣始信文章有神  
契天涯相見倍拳拳

芙蓉江上理詩筒記與湘靈和曲工尊酒未經陪北海瓣香久  
已屬南豐手神絕世癩如鶴意氣凌霄巨若虹十載名場無一  
當榜花獨幸與君同

寄荅仰葦齋

振瀛

汪北魚

翼鯤

初春贈別三章

無味乃至味無香乃眞香清冷一勺水釀之成酒漿春風杳然  
來百卉爲之芳本來抱生趣英華非濫觴古人任性情重樸輕

文章所以君子交淡極情彌長

雅俗既殊尚藻鑑相浮沈通才望吾黨扶輪誰與任古調日淪落宮商若可尋嗚絃急索解安得真知音式好不相見同苦常異岑生有傲俗骨而無輕世心

予生苦椎魯腹儉心殊奢汲古乞芳潤瀝液斟百家智慧日以長養心如養花葆此方寸地無使毫釐差爲薰勿近猶爲蓬當近麻努力各自愛學海茫無涯

竹柏軒圖爲陳母楊孺人賦

繫膠水之名軒兮交竹柏以爲陰竹則有節兮柏則有心不改柯而易葉兮貞匪石而堅匪金金有時而鑠兮石有時而爛乃眞氣之蟠結兮薄虹霄而不散維有媽之賢女兮爲宏農之淑媛生世之北辰兮凋嘉陰於椿讓幸鳩居之可藉兮將鳳卜之

悔餘舊詩稿卷一

十

半畝園藏書

是論父吾舅而母吾姑兮願伺色笑於晨昏嗟塵劫之未有艾兮絲方繫而忽斷何此鏡之易破兮矧君牀之未暖君有二人兮妾無二天終君之擔兮始妾之肩妾爲婦兮婦爲女慰存往兮同室處奉粟主以成禮兮槍幽靈其相許薦修灑而必潔兮茹冰蘖而不辭冀瓜綿而椒衍兮撫猶子以比兒伊苦心之誰亮兮上碧落而下黃泉篤女之貞於十七歲兮完母之節於七十年噫吁乎柏有子兮竹有孫芘奕葉兮如生存貞珉嶽嶽兮高不可捫輝煌綽楔兮旌其門望佳城兮陽山之陽闕滿徽於不朽兮播芳風於未央如山之高兮如水之長靳之以百年之伉儷兮報之以千祀之馨香願斯圖之永寶兮子孫世守而勿忘

贈姑蘇楊雲亭

定夫二首

無端萍水教相逢對酒同澆磊塊胸千里壯心追老驥一生豪  
氣壓元龍熱腸祇恐絲難繡俠骨能令鐵不銹人海如君知有  
幾風時修竹雪時松

方寸心如露月明照人肝膽見生平拏舟膠水初相識翦燭巴  
山其此情盡醉但餘三葉量司香能記百花名槎枒芒角胸中  
吐對榻高談盡五更

驚絃集為無錫錢友三慶會秀才題

鏡破不復圓琴碎何堪撫錢生一寸心乃為愁所府情天忽然  
裂鍊石不能補永夜泣鰥魚抱恨將終古豈期三載中兩見曇  
花吐我讀驚絃詩淒斷如何譜因詩見君心心比蓮的昔聞  
月下人手綜因緣簿式好諧鳴琴再世期相許合歡與蠲忿永  
言堂背樹錦瑟絕離聲玉環銷識語錢君一聘一娶皆無故自益珍重繫絲  
時締之長命纆

悔餘菴詩稿卷一

十一

半畝園藏書

秋燈竹屋圖為姑蘇張節母賦

彤管揚芳徽載筆誰之責鯁生蓄柔翰將以銘潛德清河湖女  
宗閫儀徵靡忒如何並蒂花心苦不成苒萋蕪繁南穆燕蘭夢  
始入方間么鳳鳴遽折文鴛翼孀孤靡所依饑寒矧相逼竹屋  
聲搖搖支離如欲折秋燈光熒熒膠淡若將熄當軒機杼聲中  
宵鳴唧唧投梭起長歎風雨為之泣松柏節逾勁桑榆景何迫  
眷言報春暉寸草心彌惻及今溯芳儀音容渺難卽想像復描  
摹淚和慈孫墨清冰一片心祇愁傳不得

為邢節母張孺人賦

芳華散塵劫不朽安可卜清節互霄漢靈氣往而續城南古路  
鴨貞珉光嶽嶽赤文儷綠字風雨不敢剝摩挲一再過使我衣

冠肅摘詞托彤管太息誌邦淑女也生清門閨儀幼嫻熟迨其  
嬪邢侯風琴調古樂六載叶和鸞一朝淒寡鵠生死此時難迴  
腸如轉轂上有白髮親無子親誰屬下有黃口兒無父兒誰育  
從死夫心傷孤生妾心惡強起侍親顏含酸課兒讀艱辛廿八  
載完此傷心局青冥何魂魄奪齒乃予角金石水之壽琴瑟慳  
其福芳風播鄉邑可以振頽俗冰雪含清暉千秋照江曲

題江右魯敬丞

邦望

上舍小影

魯侯卓犖人中雄傲骨不爲塵羈籠人間閱歷三十載槎枒磊  
塊填其胸江湖滿地溢苦海風其吹汝如飄蓬百年身世半離  
別寸心乃積愁千重牢騷恣意一揮手五絃彈破紅塵紅平生  
本非善琴者按譜不知商與宮一彈再鼓入天籟超以象外仍  
環中指頭盤屈鬱奇氣我知安道非伶工

悔餘舊詩稿卷一

十二

半畝園  
藏書

爲友人題照

畫正偏二相  
於松下對弈

泉石煙霞到處奇也如形影不曾離松風夢想三層閣桑海蒼  
茫一局棋奪劫尚餘仙骨在結緣惟與化身宜眼前境界都清  
徹明月梅花更屬誰

規李笛漁

札

入世難尋避債臺柳車遮莫送窮來天涯何處無青眼不爲金  
多未肯撻

不到曹騰不放乾縱橫豪氣酒杯寬醉中便露狂奴態須要防  
人冷眼看

情太纏綿骨太柔可堪到處說風流廣平不是心如鐵賦到梅  
花便買愁

孤行端不藉人扶七尺原非小丈夫眼底無花胸有竹呂端大

事不糊塗

送祁幼章

宿藻

太史赴都二首

風塵一月逐輪蹄金石盟從客路縮雅誼相為酬縞紵深情曾

不判雲泥時其仲兄清甫先生視學江南聯牀話結忘形契畫

壁詩拈得意題天上神仙勞想望分光今許近青藜

眉山家世是文章棣萼分流翰墨香紅杏詞名驚小宋青蓮才

調奪初唐池塘入夢研思熟花木逢山索句忙攜我江南名勝

去幾多風物在詩囊

北征百韻

我生江以南福地於烏宅胡為遠道行忽若游仙謫長途跨三  
千小劫罹五百關河並以眺岷岵嗟于役瞻望戶庭違周旋形  
影隻感別腸已寸封侯而非尺功名誤懶人風雨欺生客回首

悔雙詩稿卷一

十一

半畝園藏書

觸離惊立貽迷去迹峰沈江上青水渺淮南碧九曲度長河重

來循古驛轍迹錯琴絲鞭聲儼裂帛簸揚糠粃同顛倒衣裳亦

伏屨晦明淆開帘混沌割颺寒雙手皸泥滑四蹄蹙宿雨溢荒

蹊沈沙霾斷積大力托扶輪小心防折軛跬步方艱辛前驅又

險僻路經山左山局變奕秋奕踵旋我如棋面驚人豈璧塑成

吳興泥跌碎曼卿石輪掀霹靂飛鸞偃灰埃積噴帝鼻沙糖撞

郎頭棒捫帽簷整復至襪線縫旋旋垢磨穿袴犢鼻裂碎狐裘腋

藏垢蝨可捫走險鹿難擇蚶膠罔伏龍射岩峰攢戟磨蟻噬盤

旋輓駒苦踟躕百折歷蠶叢千盤接鳧繹海岱自終古魯齊非

夙昔望氣湖文明聞警恣橫逆朝三詐挾狙夜半巖防蹠客舍

奸相因女問敝未革妝慵婦鬢椎貌寢翁髯磔鳩形豈易摹續

語殊難譯城郭隱巖阿室家叢嶺隙穴真鳥鼠同市鮮魚蝦易

馬勃兒僮爭牛鬪居處迫札闌土風沿勒碑文字襲瓦鱗矜縉

紳石齒傲籬柵山居皆疊石編得塗泥以危牆簇薪藪苦井流

鹹滷膏梁百室盈黎棗千園闢村荒樹匝楊寺破枝糾柏天棘

競披離地瓜羣採摘土人呼山駟寒熟木皮墜土逃租額山田新墾

者皆不栽蔬滋鬱蔥藪黍徧磽瘠彼居甘若薺我往苦猶槩過

午始休休呼庚方嘖嘖飢死嘲曼倩瘦生憐太白加餐詩漫題

乞米帖難獲粥忘單公諱穀羨雷侯碎吻已等鴟張腹難謀鼠

碩不乃薦塵羹來其調冷炙雞肋雜酸臑豚肩劇脯腊登盤耽

虎視投箸委狼藉湯憑綠豆澆餅當紅綾擘斟茶色味渾積炭

輝光射指衣癢孰搔塗壁疵堪擲孤吟亦惱公強醉非歡伯燈

看斗室明壁印旗亭畫解顏青眼垂按曲紅牙拍露草漫踟躕

風花深惋惜絲麻廢女紅絃索調公赤當歌怨不辰獨寐愁何

悔餘詩稿卷一

半畝園藏書

夕泥沙撲枕衾稻稈編茵席風析五更喧月輪千里隔一自燕

辭巢雨經蟾吐魄名心半欲灰歸夢全難索披衣護背寒束帶

知腰瘠木強手頻又冬烘頭可責重裘何裨襪疊絮猶絺給驚

寒馬戀棧報曉雞昂憤癡眠僕墜鞭狂跳僮墜烏口號厭喧逐

腰纏防棄擲惶恐出層嵐歡愉馳廣陌路笑魏三熟威驚滕六

赫躡雪畏逡巡聽冰疑躑躅先路輪劉琨窮途誤阮籍望闕喜

非遙趨庭憂始釋六時生吉祥一切度苦厄塵息道途踟室承

言笑啞傳經課圖史視膳修肴核竹報署平安萱顏滋悅擇自

經行路難益念承歡劇北月正依依南雲殊脈脈三春有寸心

兩顧無長策輾轉腸如輪徘徊心匪席將藏霧豹斑且展風鵬

翮初懷答蓬矢夙願酬蘭掖桃李結新陰煙霞痼舊癖春申指

故都揚子乘歸汐江菰一釣竿巖桂雙遊屐忻隨杖履旋快賦

田園適子以藝稻梁因之辨菽麥安排燕寢觴檢黠兔園冊入  
室情融怡舉幃語促刺靈椿葆華滋慈竹縣枝格詩因棗夢麇  
頌亦菽花摭真誇我室馨肯厭吾廬窄天涯倦且休人海勞何  
益行樂當及時懷哉誦無斁

梅餘菴詩稿卷一

十五

半畝園  
藏書

益行樂當及時懷哉誦無斁

田園適子以藝稻梁因之辨菽麥安排燕寢觴檢黠兔園冊入  
室情融怡舉幃語促刺靈椿葆華滋慈竹縣枝格詩因棗夢麇  
頌亦菽花摭真誇我室馨肯厭吾廬窄天涯倦且休人海勞何  
益行樂當及時懷哉誦無斁

江陰 何 棾 廉昉

古今體詩九十八首

戊戌至辛丑

戊戌秋八月偕祁幼章

宿藻

吳和甫

存義

葉庚亭

聲揚

三太史出都庚亭以瘡卒於雄縣旅次當時曾料理之  
今歸殯矣過而感賦

歸殯淒其泣倚閭重來感舊愴何如浮生始信同漚鳥仙字真  
能化蝨魚長吉妙才天亦愛少陵奇句鬼難驅遺文料理還君  
處惟望歐陽讀父書

題同年生涇縣吳少錢

崇壽

小影

春水釀醅齊州多酒泉還將變滄海墾之為秫田我欲築糟  
臺高躋華岳巔靈境拓千古古人來我前相如願滌器文君工

梅餘菴詩稿卷二

一

半畝園藏書

數錢北海召賓友東山攜管絃劉伶荷鍤來阮籍當壚眠尚書  
方中之吏部已頽然山公日浮拍陶令時流連狂呼杜陵老舉  
手招八仙署門擯俗客投轄嬉羣賢左挹釀王袖右拍鞠生肩  
安知獨醒人睥睨笑我顛今我旅京邑乞米猶遷延一醉不終  
日一醒恆經年長安多酒家何必無青蓮仍當就君飲一舉累  
十千花月自然好湖山應有緣何時巨靈掌闢此壺中天胸中  
九雲夢吐為霞與煙

送薛靜山

永年

旋里四首

身世何從問碧翁莫將頭腦笑冬烘張王李趙多名下沈謝曹  
劉豈暗中十載功夫慚芋火一春消息誤蘭風胡盧畢竟還依  
樣自悔年年畫末工

歸輶南去散如雲伴我清寒日與君契以無言真菊淡藹然有

味比蘭薰黃初筆格渾難擬白也詩情果不羣豪氣何妨一傾  
吐且持杯酒共論文

高才真覺斗難量南阮何曾是酒狂奪席談經無一短挑燈論  
史有三長知心幸接東西解抗手時分上下牀情話喃喃風雨  
夜興來忘卻在他鄉

故山風物盡情談客裏年華屈指三南岳獻嘲非我願西河留  
守更誰堪浮沈人海書何補離別天涯酒不酣雲樹纏綿勞想  
望索居况味幾時諳

薛四自都之晉遂將南旋以詩畱別復賦此章答之

故人乘雲來天街縱遐矚掃榻話鄉邑蘭言慰心曲靈襟託所  
夕懽宴苦不足君身抱仙骨俯仰吐霧濁君才雜仙心離奇駭  
凡目茲行入邯鄲孤踪躡仙躅茫茫古人夢還以後人續嗟我

梅館菴詩稿卷一

一

半畝園藏書

夢中身塵羈久局促鞅掌休無時華胥境日蹙何如一尊酒狂  
吟破蕉鹿君今獨醒者沈酣豈諸俗紅燈照旅壁驅夢飛詩牘  
龍蛇幻奇字畱與神仙讀神仙無世情長生亦何樂紅羊散塵  
劫松喬相向哭曹騰世不省扶桑變寒燠惟君有同願息影眷  
初服渺渺江之陰雲峰古逾綠山禽呼酒來奇花菴芳木融風  
襲襟帶獨笑抱雲宿惟聞夢香草莫問黃梁熟君歸今有期佳  
處仍茅屋溪山我舊遊如何讓君獨

同年生餘杭邵蕙西

懿辰

乞假歸省瀕行索詩得五律

四章

同是天涯客君歸我不歸睽離三載久落拓一官微禁鑿隨班  
入家山與夢違秋風吹祖帳握手更依依

北來陪鯉對南望念烏慈乞米貧何補離家夢不知愁多惟有

酒興盡欲無詩寸草心常在成名重繫思

當年誇秘閣今日薄閒曹羨爾曾搔頂嗔予亦鳳毛頭銜先粉

署骨相稱官袍各有凌雲氣登天敢畏高是春與中正榜者六十八人君得首選

客路三千外親年六十餘有家歸亦得相送意何如視草辭華

省看花奉板輿嵇生莫疎懶時事正相於

京師八月十五夜

季鷹歸興滿江東莼菜鱸魚幾度風遠道三千思渺渺清秋一

半去匆匆久離鄉國眠常晚初著朝衣舞未工薇省有緣藏我

拙柳車無計送他窮生涯守黑曾磨鐵夢想飛丹為點銅牛渚

浮槎須萬里鳳城傲屋只三弓春官偃蹇詩難好秋士牢騷酒

易空麴蘖夙耽家釀綠木樨近憶故山紅蹉跎歲月將愁補迢

遞關河與夢通天上乘雲歸去便家中看月想來同柔情締結

悔餘詩稿卷二

三

牛歌園藏書

幾成繭豪氣銷沈尚花虹鴻雁欲來傳信鳥蟾蜍常作寄居蟲

誰憐獻賦金門客自比填詞玉局翁為語嫦娥莫相笑寂寥還

勝廣寒宮

題友人踏蘆渡江小影二首

學佛無緣且學僧是誰衣鉢與傳燈十年塵夢如流水面壁工

夫我未能

色相誰摹丈六金中流一葦任浮沈逢人倘問西來意但說多

情是佛心

題同年生泰興吳和甫存義雜著并引

辛丑中秋後五日佛寮秋寂客齋晝閒因過訪和甫

相與劇談雞窗倒執塵柄磅礴吐濁塵零自清槎柯

抱奇芒角欲出晨夕過從如吾兩人者希光陰往來

蓋已三年於此於時狹坐破寂狂呼買春清酒爲歡  
此樂何極奇文共賞昔人所難既攬詩詞復挹文翰  
塵埃徐庾凌轡蘇辛燒鼎已丹唾壺欲碧探驪得之  
領下窺豹何止管中微斯人吾誰與歸得知已可以  
不恨佩此三絕弁之一章靈均鑿空之辭聊復爾爾  
昌谷絕幽之作不盡云云

瓊島秋高煙珮響清淺蓬萊打孤檠

丁酉同年生以戊戌登金第者三人惟君得館選

碧玲瓏十二樓當樓擊出仙人掌中遺我雙明珠招我去讀

瑯嬛書

人間奇字識不盡欲往從之心踟躕

君入西清卽以後來人相待今已春

風三韻

扶雲搖曳踏風緊鳳吹前頭整相引弄玉飛瓊呼姓名

探矣

雙鳧一落羣仙晒予每過君聞聲卽知見面必笑穎士之僕亦有喜色仙人峨眉芙蓉裳

古淡不隨時世妝續繡綠簡出金薤蕊珠亂迸瑤草香一斛澆

悔筮詩稿卷一

四

牛畝園藏書

書元碧酒金菜玉蔬非世有

君醉我必市脯味不如其常蔬

九華燈火搖天紅

論文說詩至禁鼓三齣

沈醉酣吟狂拍手繡鐵生花玉作根東風偷綠春

無痕清餘古雪凍山骨淡入流雲扶月魂嫦娥杵月玻璃碎金

粟零星灑鶴背

君言精之作多託之遊仙

將星補月月不收帝女黃姑自成

配君時有買珠之議配賦之乎籤之也

拗蓮作寸中有絲絲短不如連理枝夢想

麻姑背猶癢沈吟窈窕心已癡情緣不許登仙續天上高寒抱

雲宿

君貧與子等奉板輿挽鹿車尙不可得明珠十斛豈易易哉宦海淘苦海也

花漏深沈送我歸

夢中猶復喃喃讀

和甫以紙索書前詩卷尾題三絕補空

才調驚人說鬼仙西崑風格亦翩翩千花顏色千花樣開向春

風一例妍

難得天生好女兒淡妝濃抹想西施不須偷寫初三月橫掃蛾

眉也入時

翦翦輕綃薄羅便將寒相笑貧婆寶山自有金如粟十斛明珠未覺多

送同年生何子永

慎修

乞假歸省四首

鳳皇池上領清班齒序居然大小山水部傳家詩句老參軍做俗語聲蠻才情直與波同譎談笑能令石不頑客裏心交最難得今朝無奈送君還

同是江南嬾散人無端懷刺踏京塵東方跌宕誰容傲南阮疎狂只合貧燕草久迷歸去路江花欲減夢中春從君一吐青雲氣始信文章尙有神

侏儒乞米滿長安刺與冰銜署冷官懷璧已經三獻璞點金未得九還丹雲天有路逢山遠澤國無租菽水難久別鄉關歸亦好吹笙重爲譜陔蘭

梅餘菴詩稿卷二

五

牛飲園藏書

又是天涯惜別時一秋常作贈行詩客中送客於今慣名下求名自古遲要駕終存千里願趨庭好慰二人思神仙忠孝須修到說向人前莫笑癡

題同年生臨桂龍翰臣

啟瑞

雜體詩稿

噓呀桂嶺峩峩峰中有靈氣茫無踪邇來神秀將誰鍾龍君英特人中雄文之麟鳳詩之龍手持百尺青梧桐裁琴奏之明光宮元音洞霄天改容嵯峨闔開瞳曨乘雲飛去摩青穹陸離星斗羅心胸仙心仙筆相玲瓏正如游絲垂春風絲絲曼入微茫中又如春露香濛濛餘香一散千花紅有時姿態殊纖穠美人初卷眞珠籠有時意氣飛長虹將軍霹靂鳴瑀弓有時劍佩聲和雌禹皋絺繡襲笙鏞有時古邈希黃農媯笙義瑟伶倫笛

有時疎野無羈籠。盧人漁子橫孤篷。上躡少陵攀正宗。近支直  
接李崆峒。鎖鑰不傳門徑通。天衣自織無須縫。是有天巧非人  
功。三千霓羽諧且工。從君一洗箏琶空。憶昔左掖承清丰。囊詩  
窈筆陪歡棕。鸞猶玉石相磨礪。君今矯翼扶桑東。我亦有羽何  
矍矍。君翔我翥還相逢。願爲落落無庸庸。願君爲麻我爲蓬。願  
我爲蒿君爲松。後來風概何人同。唐之梁公宋沂公。古賢先路  
君其從。抱才要使垂無窮。勿爲揚子嗤雕蟲。

書昌谷集後四章

天矯赤虬子。飛下天之衢。帝成白玉樓。手板來傳呼。始知天上  
人不讀。人間書神仙。不可學。學之使人愚。舍冲抱元寂。坐令神  
智枯。班班香案吏。中有才人無。

悔餘舊詩稿卷二

六

半畝園  
藏書

筆豈無一花吐。仙才不如鬼。何不學鬼語。茫茫造化功。留與後  
來補。捉筆蘸天池。墨花散秋雨。

長吉善歌詩。作記非其才。文章蛻仙骨。或者新胚胎。咄哉叶律  
郎。上界何官階。天上葬神仙。不知今幾回。罡風掃河漢。下有昆  
明灰。何不乞長壽。還向人間來。

天上無藍田。如何種白玉。帝居何有樓。何土亦何木。神靈葆清  
虛。何爲侈華縟。我欲古仙人。燒永傳丹籙。踏天割雲根。鱗鱗鑄  
金屋。今朝望月圓。但見秋雲綠。

送龍九啓瑞乞假之武陵官署省視四首

鴛行同上。鳳皇池猶記聯翩。入直時翰墨。因緣三月共雲泥。境  
地兩人差。龍頭戲語真。成識鼇背清才不愧。詩誇說春來好顏  
色。百花爭讓紫薇枝。是科同取中書者中

和羹端正鼎能調要與梅花解寂寥已奮霞標驚月地好畱風  
概薄雲香人間福慧修難到天上神仙望已遙從此胸中無磊  
塊狀元兩字可曾消

從君鼓瑟我吹笙客路知音倍有情三葉沈酣欺酒戶萬花飛  
舞擁詩城圖中蛺蝶偷新譜曲裏櫻桃記小名裙屐風流無俗  
相正堪把袂話生平

秋風策策送歸鞭想到萊衣舞欲顛東海門楣宜駟馬西清侍  
從已貂蟬香添蘭草同徵夢笑看桃花不羨仙怪我迷津何處  
問春來要覓武陵船

題涇縣吳小舟年丈賞雨茅屋圖四首

纔聞好鳥喚提壺一一春山又鷓鴣尊酒未空人未醉不妨聽  
到雨聲無

梅餘舊詩稿卷一

七

牛飲園藏書

風吹不斷響瀟瀟來與詩人破寂寥我亦結茅山裏住繞籬喜  
種綠芭蕉

妍紅未瘦綠猶肥三徑泥香燕不飛領取明朝好春色杏花須  
買一枝歸

柳絲花片竹陰中漠漠新煙翦翦風知道吟懷比春好要拈佳  
句補司空

題同年生吳少眉鍾詩問天圖

少眉舉酒呼酒徒酒酣耳熱聲烏烏奇情填臆不我語近乃示  
我問天圖我知此圖有深意愴然筆墨非遊戲當時屈子離騷  
經呵壁蒼茫天亦忌吾儕行樂恣談笑樹蕙滋蘭豈同調不如  
太白落雁峰搔首高吟懷謝眺願君努力愛少年勿爲屈子爲  
青蓮祇今未奏清平樂且向長安對酒眠

我昔乘海槎欲上蓬萊峰天風忽引去誤入牛女宮天孫遣我  
支機石笑語黃姑款生客低頭卻指三神山但見濛濛雲氣白  
虛無宮闕金銀臺下有弱水空濼洄身無羽翼不飛度世入謂  
我非仙才東方肯受羣兒笑鶴骨嶙峋自成傲今我已從天上  
來那信飛仙修不到少錢洗髓滯塵凡靈符偷誦聲喃喃呼來  
一片雲裁爲千尺帆君但揚帆君莫誤徑欲乘風向何處憶得  
同時學道人獨立瀛洲久延竚玻璃水瓊瑤路我來鼓棹送君  
去天上神仙本無數

送吳少錢兄弟南旋二首

君家好兄弟同我客長安意氣各年少笑談常夜闌但逢花窟  
暖不放酒杯乾三日必相見別離方覺難

悔餘詩稿卷一

八

半畝園  
藏書

閒曹無一事時爲送人忙歸路及秋盡離人知夜長雪花寒浙  
瀝雲樹遠蒼茫安得兩黃鵠乘風相頡頏

題勞宜生

崇煥

雨霽看山圖四首

昔我舊遊處芙蓉三十三祇今聽雨夜猶復夢江南  
一雨送涼意四山無俗塵自然清到骨秋色好于春  
倩石碧於染懶雲頽欲眠風光隨處有不用買山錢  
平生幾兩屐復此一週屨蹀躞不歸去西湖空自秋

和袁厚菴同年紀夢原韻

不曾離別已相思記否重簾未捲時楊柳三眠端是病櫻桃一  
笑分應癡化爲蛺蝶飛難去夢到鴛鴦醒要遲待向東皇乞如  
願辦香私自撰青詞

咄爾何人人幻爾真以定中定爲身外身蒲團一個得著便坐  
不得不坐幾時坐破佛在坐處但坐莫卧行處立處有佛莫顧  
何處有佛如佛所云卽空卽色卽佛卽心心一心佛佛一佛  
千片萬片只一片雪未有雪時是何世界既有雪時本來何在  
不問本來但問當下有雪無雪誰使雪者此雪中人又何處來  
春風無言梅花自開

辛丑冬十一月初九日招吳清如

嘉鎰

前輩同年生吳和

甫存義馬穀生

振備

袁厚安

積懋

吳維尊

其相

黃采丞

桐

勳消寒於一粟齋中分題四首

風帽

莫以冬烘笑主司我今頭腦亦如之何年驢背衝寒去逢著梅  
花插幾枝

悔餘齋詩稿卷二

九

半畝園  
藏書

風門

了鳥丁冬掩復開消寒一室勝樓臺臣心真個清如水此外從  
無熱客來

風爐

煨芋功名未可期畫灰詩句正相宜煎茶漫說樵青好我有封  
家十八姨

風燈

形影相依歲月深往來寒夜重招尋照人古道如君少多謝光  
明一寸心

厚安以所和清如前輩詩見示因次其韻日前厚安攜  
拙稿去爲芸佩夫人所賞並以爲謝

維摩居士禪心堅祇有散花人比肩蒲團分坐足清供不合破

戒求肥鮮

厚安欲賦小星而有三年之學佛要須見佛性綺語

可參篇外篇六時夢想恣游戲化身不億猶能千迴陸慧舌弄

仙語蓮花對吐青如煙色香世界一粒粟兩兩法輪隨磨旋青

鴛飛來聽粥鼓歡喜饌我伊蒲筵我今行腳下靈鷲一入塵海

茫無邊眼前彌勒未生世三五阿婆方少年平生有願住香國

舍衛得金當鑄錢

厚安與子時有騎鶴樓中人語辟支因果各未了當下不識

何人賢敢將世法說平等象王搏兔獅垂涎

請如前輩原作皆用此意

飽吃十方供煨芋懶殘饑火煎安能恚怒與煩惱一切懺悔消

前愆金剛弩目怪饒舌低眉菩薩仍相憐但持半偈以心印又

題同年生王伯陶竹樓聽雨圖

廣厦千百間此願苦難足歲暮客長安枯坐僦椽屋間庭相隙

梅餘菴詩稿卷一

十

牛歌園藏書

地頗可種修竹濛濛塵土中那得萬竿綠一日無此君使我三

年俗君愛黃岡遊選勝騁幽躡月波樓外樓風雅竟誰屬人傳

太守名名與此樓獨樓頭一片瓦愛惜比蒼玉騷人歌嘯地臺

榭亦有福自君趨庭來時復登樓讀詩韻正清絕卻與雨聲續

但聞風泠泠危檐嘯飛瀑鳴琴欲寫之高渺不成曲何來繪聲

手收以一尺幅極似東坡亭淋漓染墨空胸中抱槎枒觀此倍

張觸我欲江南行不願黃州宿故山佳勝處亦有簞簞谷春來

新雨肥矮笋正堪束微參玉版禪勝喫花豬肉舊日讀書樓猶

在山之巖

厚安同年續消寒第二集同人用東坡江上值雪韻因

效集中游白水山宿蟠龍寺諸體爲之

功名不用鑽靈龜命宮繚曲誰能知北門雖宴耐交謫南郭不

逃工濫吹金多孰市駿馬骨珠盡空捋癡龍髭君將爐火暝同  
澤相與墨池呵凍澌羣雄互角酒兵健偏師直搗詩城危那容  
札闔著凡鳥競欲摸碑謎色絲十年鉛槧竟誰是三寸毛錐徒  
爾爲登天不信有階級據地可憐無挾持敗鼎燒丹想鍊骨劣  
書乞米慙銘肌雕龍恥我類名士躍馬笑人充健兒旋頭南指  
已彌月鏡吹北旋知幾時建節空勞欣飛掌運籌遙設文成帷  
傳說陶朱有奇術始疑衰鄂非英姿黃耳猶曾答參養赤心何  
乃隨澆漓惜哉無人削白簡重以此事陳丹墀今朝斗酒且痛  
飲老仙詩卷還同披低昂漫擊唾壺缺踟躕甘引鹽車馳諸君  
猶是未雕玉他日莫爲無當厄東坡勝處步難學西掖暇時肩  
可隨酒酣揮手別袁盎驅馬出門何所之

穀生同年續消寒第四集同人稱述祖德歌誦清芬白

梅篋舊詩稿卷二

十一

牛敬園  
藏書

亮寒門恥攀華胄而官之冷詩之清意非水部不稱爲

賦一章

一賦梅花一悄然竹西歌吹落吟邊官宜水部何嫌冷身在揚  
州不願仙品格得之林處士風流分與杜樊川清芬世德憑誰  
續但論詩才我亦願

厚安持扇索畫以並頭蘭贈之

湘沅豐硯池水九畹秋在尺咫墨如雨清無埃孕秋色花有胎  
蕊宮仙抱雲猶花玲瓏夢中綠君與我家南蘭時花處山復山  
山如何眉綠小比肩人似花好同心樹連理枝笑相看年少時  
肯花身爲君壽雙鴛鴦買絲繡

和同年生黃采丞見贈原韻

客裏農華不當春畫樓西畔想星辰出山小草真無地傾國名

花自有人錦字纏綿紫別緒絳河遙避隔情塵明瑞翠羽分明  
記不是陳思賦洛神

豐吟梅士駿以素幘四索畫蘭

平生嗜蘭已成癖足跡未到湘沅間靈均九畹落夢想家田種  
秭何時閒杖頭沽酒日不足安得餘錢還買山墨花隨意著枝  
葉自笑十指猶能彎

為王擬雲韻珂千戶寫蘭

樹蕙滋蘭也是豪與君痛飲讀離騷蒼茫呵壁何從問儘著頭  
顛癢處搔

題同里繆晉蕃小影時同客任城

解家幾千里雲山夢中綠蹀躞苦不歸欲歸已無屋身經蕩析  
餘安坐便為福時嘆夷寇鎮江道由江陰家人皆避亂移居勞人事休憩十日就君

悔餘舊詩稿卷一

十一  
半畝園藏書

宿知君俯羣碎真氣吐磅礴高襟抱泰華可以一拳縮畫相孤坐石上  
心事當拏雲何為久局促饑驅坐相累塵羈就而縛身無傳天  
翼雄飛不如狀何時遂初衣幽棲據巖谷但恐鼇柱頽逢廬無  
處託道路已荆棘踟躕懼傷足有家歸亦難况乃貧無粟行從  
黃石公奇方傳辟穀

遊梁謝張詩舫神河廉訪前輩酌飲四首

仙與清虛佛與慈性情從不受磷淄敢望曼倩交公子幸見咎  
絲拜土師牘舞龍蛇民乞判庭空鼠雀客投詩故知城且書難  
廢黃老還參漢法治

起居八座奉萱艤燕喜看裁訟舍棠才與福偕天破格身為世

任地包荒名依嵩嶽山皆小力敵洪流水不狂祥符河決省城幾沒賴廉訪及

牛鑑堂中丞日夜保護得全聖眷慈暉多足羨花開旌節綵衣香

及第文章倍有神鳳池曾與掌絲綸東坡於我爲前輩西掖如  
今少替人載酒遊山收勝概畱詩供佛散情塵廉訪自言曾遊  
西山月餘始歸  
紀遊詩一冊爲山僧乞雷寺中狂文  
端公爲序比之東坡玉帶鎮山門云名流事蹟宜風雅學步無

才愧此身

遊梁司馬復鄒枚逢梗因緣我亦陪同席爲孔繡山同年張亨  
甫孝廉王講泉明經並工

詩能泔水無涯桃北去烽煙有警竹西來時河決桃北廳  
屬映夷寇鎮江關河

間隔家千里賓主纏綿酒一杯不分天涯淪落客龍門高處快

徘徊

邯鄲盧生祠四首

壁間題詩幾滿獨袁厚安同年數篇小異亦畱四絕

句以補其意所未及

十二因緣何日了三千功行幾人修百年歲月膏騰過斷送神

悔餘舊詩稿卷二

十三

牛畝園藏書

仙是枕頭

身世果然如夢好神仙也覺度人難勞勞多少長安客未到封

侯夢已殘

蓬萊風緊自回船流水桃花更杳然一粒金丹無索處從君夢

裏覓神仙

輪鐵消磨路轉賒黃梁纔熟又開車夜來一榻眠難穩不夢游

仙夢到家

新泰書壁

亂山圍客夢歸路不分明鄉思隨孤枕雄心對短檠多情重離

別回首薄功名催起因車鐸風霜又五更

宿青駝寺

記取青駝寺山行此駐重鐘聲高出樹燈燄凍成花徹骨衣如

鐵螫牙飯有沙酒餘風味減振觸正思家

雄縣傳舍題壁

一夢三千里西風送客歸巡檐驚曉柝推枕索寒衣起舞雞聲壯長征馬力微屋霜秋更苦行旅不曾希

吳汪少廉翼鯤秀才八首

廿載交遊半已非那禁回首淚沾衣更驚月圃呼長吉忽報星宮落少微鷗鷺前盟如夢斷夔龍後望與心違浮生安得千年壽華表遲君化鶴歸

鄉國論才許雁行別來不分判行藏達觀果願為陶土歸隱誰堪共楚狂生不移封酒泉那死當配食水仙王臨風想像遙相對天上人間兩帝鄉

底事天花著體來少廉生三十三年以出痘殤良可怪也蛇蚶蝟甲蛻凡胎心飯

悔餘詩稿卷一

十四

半畝園藏書

白社身原瘖生愛青山死便埋蒼狗浮雲馳幻影紅羊劫火葬仙才伯牛奇疾誰云命天不能言鬼亦猜

枉使精神與命爭不能爭命復爭名文章獻璞經三別身世圍棋未半枰緜嶺登仙子晉泰山治鬼管公明黃泉碧落容汗漫猶勝塵中偈仄行

書魄詩魂起大蘇入神心手近今無文高驚帝嬰天忌語妙通禪砭佛愚幼慧原非長命相微名竟定秀才呼芙蓉城與陳芳國一例詞人唱後唱

聯翩裙屐出花遲記得春遊載酒時近聽谿聲憑雁齒遠看山色當蛾眉空中鸞鳳沈蘇嘯夜半獾狐闕鮑詩地府修文才子彫好從蒿里締新知

春暉未報草含青玉樹何堪萎謝庭松老忽驚先落子竹殘差

幸乍添丁風摧棗萼詩情斷雪擁梅花畫識靈光數月少廉屬吳君冠英爲其  
夫人蕙榜女史圖滿身風雪拜梅花小影冠英竊訝其不祥今信爲之識矣有一子尙未及降生是蘭若容易  
瘁不如蒲柳近秋零

歸遲猶幸及生存手疊詩文待細論二十日前方寄語三千里  
外獨招魂異鄉傳耗初疑誤造物培才最少恩異日黃壚悲一  
酌多應括柏有陳根

過單縣草樓集葉愚泉向榮少尉止宿十日賦此爲別

二首

公牘餘三策官錢罄一囊尋常多酒債落拓老詩狂肝膽仍如火  
鬚眉漸已霜性情投分處十日遲行裝

自說來河上浮沈四十秋能平瓠子險不抱杞人憂身世一長  
嘯公卿半舊遊官卑從放達宦海有安舟

悔餘舊詩稿卷二

十五

半欲歸藏書

爲丙兄薛森書寫竹

有田不歸歸無田操竿乞食仍年年長安米貴侏儒哭帝前笑  
倒東方朔五秋飽吃霜風寒故山老卻青琅玕山中有我讀書  
屋歸去讀書饑亦足

大風招嚴藕村葆錫孝廉同年生馬穀生袁厚安兩舍

人

驚砂挾風奪路走行路少年紛老醜有面渾無耳鼻口天半飛  
來千培塿盤古之塵一抖擻此塵乃有萬劫毒而我蜉蝣爭不  
朽有蟲寄居鄰左右門外寒多鍵樞紐凍鷹瑟縮不出首瘡粟  
如星布跟肘一尊一爐自消受君能出門我有酒與君一石我  
一斗吹氣爲春驚戶牖暖入華胥放花柳此友此遊惟我有我

醉不知君醒否

送祁幼章

宿漢

太史出守黃州八首

并序

昔人祖道類重歌吟非徒唱和嗚于流連光景已也將取斷金之義申伐木之思具以朋參膠漆之歡罄之歧路輪囷之頃灞上河梁諸什後之讀者猶可以興近數十年此風大覈豈其扶輪贈策壇坫無賢竊疑杵臼之盟寒斯笙簧之韻歇胖襟猶爾傾蓋可知彈冠結綬之謂何金玉爾音未始非學士大夫之責也幼章六丈身為貴介心則真儒接物煬和擇交審可雖知名之士基錯其門平時道詣漸摩性情融洽者惟予與吳九和甫實同憂樂蓋忘形爾汝不第尋常賞析而已今以詞林奉命出守黃州和甫先是一載視學滇中輪星磊落遙想容光梁月徘徊頻疑

悔餘舊詩稿卷一

十六

牛敏園藏書

顏色粲雞唱雨窗寂寂以誰談堦鶯延風旆悠悠而徑發我心匪石何以爲懷用是溯言夙昔並及生平成詩八章以代僕夫之唱第念忠告道微非諛卽諷茲則舉往者今者之媿修懿行以券方來不知者殆例我爲諛抑知吾丈窮年之業貫乎天人度世之心勤於仙佛此固予所神歆膺服而以予之才之識思贊光塵月何句於珠暉風豈俟於髮引諛其贅矣諷不慎乎異日者衢謳巷祝勲名儕南岳之尊賦雋詩豪著作殖東坡之對予且將鋪海首百葉列湘管三枝以爲數四扛諛地也要之頌者無庸辭受者無汗色斯則倩盼自昭於繪事琢磨有待於素交襲下里之音效他山之助夫豈爲國門轢駁壯靑旂皂蓋之

行江介拏舟重紫蟹黃雞之羨煙花軫別雲樹朝思  
已哉

翩翩羽葆下蓬萊始信仙才足吏才天與名區分聖科世將陰  
德護庭槐一麾我送仲容去五袴人歌叔度來傾聽賢聲蜚日  
下窮愁眉宇爲君開

家世詞臣太史公從今名宦妃名宗竹樓聽碎黃岡雪桂棹歌  
迴赤壁風經傳發舒臚治要江山清壯角才雄就論儒雅填人  
表也入蘇黃一格中

黎火通宵照字青離經修史筆無停 殿前獻賦叨 宮錦

禁內傳歌上

御屏棗萼光輝卿士昇桂林夢想使人星太史

甲辰科廣西副考官時  
清甫師官戶部尙書

一官一集更番勝嶽色江聲盡性靈

海嶽胸襟氣不寒與人憂樂此才難傳經堂邃三角落禦冠城

悔餘舊詩稿卷一

十七

半畝園  
藏書

孤百雉完

趙城教匪滋事時太史掌教洪洞與  
之接壤邑令仰成於太史防備得全散帛倉黃依折

像投縑清白仰王丹若量潛德升台鼎猶是儒生本分官

臨軒溫霽戴

綸音層疊 恩波似海深星近微垣原福曜雲

生泰岱易甘霖才充世用豐年玉心懷天知暮夜金豈獨廉能

酬 主眷陽春一路長棠陰

循名介節兩兼之况有通才許救時狙性要能請喜怒蛙聲何  
用辨官私洽參黃老真仙宰病起黔黎待國醫四境暄和鳩鵲  
語使君五馬惜來遲

召杜謳歌入楚咻仁風吹暎古荆州獄清狂煩免息車避螳

螂築鷲柔社鼠稷蜂祛政蠹帶牛佩犢化民誦牙磨烏奔尋常

事勲業須爭第一流

長安風雪一寒號獨對鷓鴣嘆羽毛無用每嗤名士餅有情深

媿故人袍關山修阻難憑夢案牘縱橫各自勞悵絕高蒲花發處十年爾臭柴吟毫

調友人二首

侍女花原號可離誤拋紅豆種相思度江已辨迎桃葉開閣驚傳放柳枝贈玦難圓明月珮抱衾應廢小星詩何當歸覓耶谿路定有夷光待嫁遲

豆蔻經春未有胎東風枉自費栽培生憎碧玉真偷嫁翻笑紅綃待俠媵桃梗已拚隨水去靡蕪莫遣下山來蕭郎合是神仙侶跨鳳吹簫舊有臺

送謝蓮士翰表兄尉廣西

半是疎狂半是癡性情差喜我能知胸無城府惟容酒舌有鋒芒且說詩老子婆娑隨地可小兒顛倒任天爲八千里路君猶

悔餘舊詩稿卷一

六

牛歌園藏書

幸五嶺三湘飽看之

卅年風雪卧長安生鐵能禁徹骨寒蓮士初貧甚十月猶單衣而吟誦不廢一無干謁信但有稻梁能飼雁不妨荆棘竟棲鸞大才應入螭蜺夢小

試何辭螭蟻官也許仁風慰黎庶未應遺愛盡儒冠

陳耘梅鍊師七十壽言時以道錄可謝事歸山并送其

行四首

天許長庚署外臣珠宮貝闕乞棲真螭頭近浥三霄露塵尾

全清九陌塵閒曠別開鷗世界高寒倍長鶴精神五城十二樓

環帟管領羣仙第一人

宮府眞如三界清始知塵海有蓬瀛胸中蚤痼煙霞癖掌上能瘖霹靂聲身世出山雲淡宕性天印水月空明不緣大隱宜朝市已落情塵願地行

下忌真能使六丁青詞會動 至尊聽輪旋二氣爲時雨遊戲  
三朝應歲星 金闕 恩言頒 紫誥玉樞眞訣補黃庭精修  
定注東華籍滌塵凡養性靈

矍鑠歸山未悔遲蒼松生是萬年枝鶴飛東海量籌積豹隱南  
山避管窺道德三千容弟子神仙七十當嬰兒茅菴佳處應雷  
待共采商山五色芝

題篝燈課讀圖 并引

丁未正月既望董醞卿 同年以母丁太宜人篝燈  
課讀圖見示並屬題咏因爲短歌以紀顛末世有初  
食諫果者莫不苦澀皺眉一時齒頰回甘乃知苦澀  
之中正包此味又如病熱者服苓連苦口幾不可忍  
及乎熱解遂且歸功奇苦以爲良藥然則後樂先憂  
其理昭於符璽今此鸞綸鵬繡皆自篝燈弦誦中來  
而區區南宮一第農部一官正不足爲慈節報故知  
昔日之苦所以釀成今日之甘後且有甘於今日者  
附綴數言以爲太宜人壽並爲醞卿券也

悔餘舊詩稿卷一

十九

半畝園藏書

烏曉月落天爲愁搖搖老屋風颼颼燈光不定半明滅照見孀  
烏抱雛泣淚痕著土紅冰寒飲聲起視姑平安寢膳晨昏勞不  
足午夜鳴機伴兒讀行間字裏寒生芒半是心光半淚光笏根  
慈竹蓮根藕生小青蚨不離母篝火續膏機續絲繡針衣尺紛  
參差菽水艱辛指頭血蘭陔竟補笙詩闕羹湯料罷促攤書書  
聲不斷如縑車短檠繡鐵年年在茹藥含椒三十載阿閤我我  
凌紫煙小鳳一鳴飛上天天生鸞鴛非凡鳥青萱自是忘憂草  
花明日下擁安軒鸞迴五色影 絲簪金釵照酒稱眉壽燈花

不似當年瘦卷三

江陰 何斌 廉坊

古今體詩九十八首 丁未至

贈同年生黃仙樵 秋林 孝廉四首 亦方

丁未之春仙樵計偕至都以白梓主靜軒詩及舟車詩集見遺日晏公餘一再展誦覽有靈氣幽豔於存行間與燈月之輝相奄映竟

悔餘毒詩稿卷二

三

半畝園藏書

鳥嘯月落

鳥抱雛泣淚痕著土紅冰寒飲聲起

足午夜鳴機伴兒讀行間字裏寒生芒半是心光空淚光留恨

慈竹連根藕生小青舫不離母箸火續膏機線繡針衣尺粉

麥羞穀水銀辛指頭血蘭陔竟補笙詩關裏粉料罷促施書

聲不斷如縷車如樂鐵年年在如葉含椒三十載阿闍教裝

凌紫煙小鳳一鳴飛上天太后駕駕非凡鳥青黃白這心

不似當年瘦

古今體詩九十八首

丁未至 癸丑

贈同年生黃仙樵

秋林

孝廉四首

并序

丁未之春仙樵計偕至都以白梓主靜軒詩及舟車詩集見遺日晏公餘一再展誦覺有靈氛幽豔游弈行間與燈月之輝相掩映噫嘻此固仙樵少年作也九州大矣詎敢謂風雅無人然以予輪蹠所歷襟契所投得之目遇耳謀者求如仙樵之才之詩不能千百而什一焉無論西江少雋吾必以仙樵為巨擘即使張武夷之幔啓洞庭之筵萃一時墨客詞人與之摹繪性靈鋪揚雅頌猶將為仙樵班專席焉蓋其賦性之優如王謝諸郎自然秀整其效法之峻如崔盧右族別是清華其氣實博而無膚辭其韻淵和而無懦響搆思則以平淡寓新奇製局則以謹嚴納宏肆以余所知仙樵之詩者如此雖然此固仙樵少年作也仙樵今年纔三十三余年亦復相若所為詩律之聖境之神學之化其進而未有艾者余固將覲止矣今以公車報罷將南歸侍養留之不得詩以餞之並綴數言以為異日援契云

梅餘菴詩稿卷三

半欽閣 藏書

詩翁今魯直公子昔春申俊爽應無對風騷尙有人蟲魚刊瑣碎煙月孕清真甚賴摩空手能扶大雅輪

牢愁揚子賦雋永蒯生書迂世君何幸量才我不如雄懷凌海

嶽勝蹟壅舟車絕調追陶孟筆壹一洗除

昔寄寓公籍相遭元父鄉題樓驚太白酌酒慰知章游侶呼明月吟香化海棠當時花下酌愛我共清狂  
大羅初發唱小許已知名選席尊三管藏書侈百城家貧猶近俠身累獨緣情羨汝趨庭去嚶鳴戀友聲

醉書

秫田二頃五十畝蓬島五城十二樓醉夢得官真螞蟻神仙逢劫亦蜉蝣百年常作千年計萬物曾無一物休上界森巖勞更甚何如閒卧枕糟邱

題陶集後四首

混茫元氣結胚胎千載風騷絕此才離去餽飮兼斧鑿教人無路覓詩材

性真自是葛天民五柳能回太古春世外那知天歷數桃花並

悔餘菴詩稿卷三

二一

半政園藏書

不識秦人

傳詩有命那容爭何用艱辛辨四聲應愛季鷹差解事不將杯酒換虛名

未了恩讎負此心微官無補况歸林田疇不作荆卿死只有黃花伴醉吟

讀史

今古一邱貉官私兩部蛙未經嬴政火漸滿惠施車姓氏風驅籀勳名露泣花悲歡何與我肝肺自槎牙

圓明園應直四首

苑牆西畔月猶明禁鼓蝦蟇逼四更不爲雞人催起早六街一道馬蹏聲

微風吹活水中雲水氣侵衣百和熏野鷺閒鷗無處著飛來鷓鴣

鳳各成羣

雙湖如鏡淨無塵但覺湖光繞畫輪自是 恩波分 太液柳  
枝蓮葉也精神

烟憑扶夢坐瓏玲轉轂如雷困未醒回望石鋪三十里西山一  
抹隔城青

余以雜詩投厚安其弟揚庭愛之裝池成冊仍屬爲序  
序後有餘紙並綴此詩

國馬誰能識家雞未可輕知君頗知我難弟自難兄楮葉勞何  
益燈花落更明夜深投筆笑持以慰嚶鳴

吳冠英儒春水歸帆圖用何子貞太史瓦壽齋原韻二

篇

十年夢想山中居四壁苔青蝸吐篆魚綾刺漫塵緇衣俗相難

悔餘舊詩稿卷三

三

牛敬園藏書

醫廢彭扁吳生畫理孕詩心靈豔真能繪騷選風人落手滌氛  
濁元氣如珠指頭轉天骨全空凡馬羣神膠恣割仙麟腴獨支  
健筆破天慳遜取溪山卧游衍曾無南本敵孫位誰是東坡識  
牛叢磊塊還須仗酒澆窮愁未忍將琴典長安米貴絹素賤堆  
枳穢材紛可剪眼中冠蓋多於蠅誤筆爲之應不免佛廬槃礴  
掃羣碎風月清談就徐勉春暄催脫青狐裘貰酒畱君花底宴  
因君寄語謝親知近狀可憐無一善思歸復此送歸人鄉心正  
似芭蕉卷

郎潛索米爲容容投効如何及崔篆官廚肉食藏神厭病肺翻  
貪杏仁扁會當潔井養丹砂徑欲買山量白選歸心一夕度江  
去萬斛春風吹不轉江山自昔足清供玉版銀刀最珍腴有田  
種秫百不憂未要高勳乞瓜衍卻嗚螞蟻爭槐安更怪蝦蟇幻

楊戩夔蛇蠻觸紛貪嗔誰與癡蟲提慧典愛君性識獨完白錦  
段光明未開翦陶潛乞食那足疵戴述抱琴宜可免清高近世  
信吾分固窮不用詩相勉其經人海閱溫涼苦憶君山憩清宴  
林泉如命癖同堅齋粥無餘歸亦善盤西仙尉知此心此心應  
放身應卷

圖係三河尉  
葉香土作

三疊何子貞太史瓦壽齋韻奉酬楊漱雲

和

炳春

同年見

十霜鵠立綴鸚班袍纈氤氳繞仙篆玉漏催簪進德冠金光熟  
識通明扁久塵西掖倚三能音台又歷南宮參兩選濫竽充數那  
能工舞袖勝人堅不轉一杯獨戀小人羹五鼎難分大官腆生  
計空倉鼠雀愁宦情雜劇魚龍衍料量白飯與青芻撮合黃精  
及丹戩着操責券當靈符病檢醫方如古典可憐俗障困重局

悔餘卷詩稿卷三

四

半畝園  
藏書

安得婪絲快一剪傾心愛我欲何言掩鼻知君政難免安邑豬  
肝詎足畱班生燕領行當勉且耐饑驅席帽塵會教飽啖瓊林  
宴老才用世例須遲新語驚天定稱善前路沈揚未可知浮雲  
各自從風卷

題如臯湯敬亭太守日涉園圖

三十三峰夢中綠猿鳥怨人歸不速釣遊最憶君山麓萬本寒  
梅百間屋泉石新奇五丁鑿瑯嬛割地分曹讀芸葉梅花同一  
覆三世林居豈非福君山去余家數武先大父種梅花湖書院  
為讀書遊息之所先君子繼志成之時學  
使蕭山相國姚文僖公先後課土其中  
並為詩文勒石記焉迄今三十年矣在山泉清出山濁草堂

忽被移文逐絕倒東方一囊粟可惜雲窩眠未足一日遶山十  
年俗揚州臺沼遙相屬冒家水繪知名獨名士名園映江曲橋  
梓風流殊卓卓二百年間無與角君乃肯堂歌式穀浮栳塞江

新卜築丹臺量才中華朴古來繼述難於作祖視父書誰不忤  
况以餘功纘林壑水範山模修矩矱長安塵土謎人目覩君手  
記瑩如燭細字蠶眠勻一簇結撰精心影樓閣摹繪煙霞不嫌  
酷衡宇周袁徑綜錯廊廡軒庫室京煥左襟右帶宜村郭山骨  
雲根日雕琢瓌石嶙嶒孕華嶽小有洞天三十六嘉樹婆娑互  
枝格萬草千花香蔽蔽時汲紅泉蒔仙藥點綴禽魚任飛啄錦  
鱗晴曝縞羽浴有情未肯冥鴻鵠無侶誰能友麋鹿野趣天機  
日翔躍暫狎迦陵悟濠濮中有鄴侯三萬軸百家瑣碎兼收錄  
綠天種紙紛成幅潑墨攤書從所欲農圃暇時宜可學更養春  
蔬課秋穫芋魁大豆收鴻卻不用陂塘開蓮勺三命才能具饌  
粥卯醉新篔簹午餐肉偉哉人爵兼天祿燾後豈惟營食宿布置  
周章見方略正如國手謀棋局萬里江流莽洄泱前水綿綿後

悔餘卷詩稿卷三

五

半畝園藏書

水續如水之長以園卜創始落成辛苦各名之日涉從其朔十  
笏三弓儘開拓後嗣賢勞視家督荒年之穀豐年玉君才早受  
蒼生託且起東山慰歌嘏東浙分符又西粵熊軾隼旟轉朱戟  
從此虹蜺綠牙纛一品仙衣稱身著珂里相羊整初服竹肉麤  
豪笑金谷一曲鑑湖猶齷齪書錦平泉樂民樂做廬我亦容棲  
宿久愁三徑荒松菊緝芟荷衣冠筍籜遂初賦竟尋孫綽春色  
渡江無約束一例東風折花木鳴榔徑溯江之淥詩裏郊居眼  
中熟乘興來尋子猷竹

雪夜和內子韻二首

偶撥科名草難登著作林長卿徒四壁少伯累千金詞賦知無  
力交遊願有心寒宵誰送煖枯坐獨沈吟

武非楊大眼文異范長頭黨尉銷金帳張郎集翠裘尸居餘有

氣肉食鄙無謀掉首思偕隱營巢似鳩

送同年生馬谷生

振備牧麻哈三首 并序

道光二十年春二月 特旨開中正榜同時應試者  
千五百人中式者六十人伏青蒲而覲 聖儷紅藥  
以遴才仰塵 日躡之明爰簡雲臺之數俾乃皇池  
遣羽豹闔簪毫效丹稟之微能膺 紫宸之曠典而  
余與谷生及袁大厚安預焉繇是三心莫逆一體均  
勞竭來接軫於莎堤昕夕飛觥於花市莫不形骸放  
浪肝膽輪困慰旅况之羈孤極友聲之酬和嗣余贊  
南宮之選厚安讎東觀之書雖塞鴈隨陽棲踪靡定  
而淵魚處陸啣沫相仍胖合不恆炎涼無斃載歌伐  
木庶其企而客歲擬補侍讀以君同正今吏部用京

梅餘舊稿卷三

十六

牛歌園  
藏書

察急選出刺麻哈槐司扼腕已無及於保留蘭契翹  
心正有期於施展信前程之夙定將上考之游登已  
獨是十祀霄交一行雨散軫膠漆陳雷之義釋河梁  
蘇李之謠余與厚安其能默默乎矧聚猶驂靳幾無  
離立之時判若麟符未審合揆之所萬里之行從此  
始矣敢闕東門祖道之情一言而善惟君知之聊當  
北部陽關之闕節句謝妍於折柳斷章襲美於投桃  
厚安宜有贈言其以斯爲祗導安得星躔東井常從  
五馬之周旋何當風翼南溟竊附二蟲之驚笑

二千石比漢庭良八十程隄楚徼荒生別愴懷如甫白通儒循  
分亦龔黃東方文史能爲用南國謳歌未渠

音

速央好補黔書名

宦志青螺風績在巖壘

夾路湖山壯宦遊何如雞樹老窮愁謀疎未解營三窟才大真  
當隘一州保赤豈惟馴狔狔飛黃從此軼驪騮仁風吹溢羅施  
國河潤將移郭細侯

十年蛩駟寄長安惟與袁絲各盡歡青李交相夸晉帖紫薇猶  
足重唐官鸞鸞賀世宜爲瑞鵬鶚凌霄不畏寒跂盼雙旌追燕  
笑早教黃色露眉端

題友人小影

吾廬昔山中桐陰一房綠有時風雨交天然奏宮角嘉樹無醜  
枝畸人無俗懷吁哉不凡木尺寸皆琴材琴材古所難知音世  
尤少與爲爨下焦不若山中槁丹山蒼靈羽擇木將安棲喬柯  
倚阿閣爲君歌鳳兮

種菜歌爲鄭稼夫滄作

悔餘菴詩稿卷三

七

半畝園  
藏書

田園將蕪歸去來欲行不行心衰哀嗟我肉食非其才我不能  
蟻螯聚蠹蝕半李螞蟻分羶鑽大槐充腸亦自足藜藿餬口何  
用辭蒿萊朔來豈屑一囊粟隗始正慕千金臺安知飲啄已前  
定命薄不受天栽培噫嘻芸生柢地豈有殊根莖彼茶此薺誰  
其主者紛安排不識我於祿籍注何等異日饑驅飽卧今日安  
能猜今之人兮但知李叔平翟子威龍陽洲上藏木奴鴻猷陂  
中收芋魁君不見鄭餘慶整頓葫蘆治賓簞薛令之闌干苜蓿  
充官齋仙廚麟鳳乃如此而我離蔬釋屨何爲哉稼夫學稼兼  
學圃有田在吳身在魯稼夫居吳之洞庭山久客東河嘗作谷  
口安耕圖取鄭子真故事以寄歸田之  
意長鏡大笠長相左君自不歸歸亦許我昔遊姑蘇獨倚金閨  
眺平楚半州綠水半州山一寸黃金一寸土當日荒臺縱鹿游  
於今列舍爭蜂聚虎邱颯沓洞仙梵鶴市掀豚鬪屠沽人聲如

潮沸子午不習耕桑習歌舞鬧處但聞爭璞鼠枯槁那怪有機  
事鋤鋪正愁無隙所但需負郭二百畝未要封侯十萬戶天慳  
獨不畀區區人滿故難營廡廡豈知眾人所棄君所取聚族攜  
孥遠城府雄才久蓄計然計雌伏甘如處女處求田要作多田  
翁治生原爲養生主從監河侯負升斗與洞庭君裂土宇兔園  
舊冊種樹篇鴻寶新書井田譜蓑衣箬笠長謝東諸侯琅菜瓊  
蔬待乞西王母種分白壁何纍纍花散黃金亦栩栩晚菘早韭  
足誇周細菌寒匏那羨庾癡肥蕘蕘易生兒老辣芥薑應共祖  
紅丁菽菽綻萼萼綠甲森森纏高莖蔥翠龍爪蕨舒拳莧挺獅  
頭茄發乳青黃碧綠難爲名芼炙烹羹胥聽汝夢酣定不鬪羊  
蔬客至猶堪侑雞黍君不見庾郎食鮭二十七太常齋期三百  
五天苗此徒佐鼎俎強欲得之天不與世人饕餮事口腹口腹

悔餘菴詩稿卷三

八

半畝園  
藏書

未甘心已苦歲租十縣給初筵日費萬錢謀下箸賭射呼奴解  
俊牛過廳命侶推肥粒傳餐新配五侯鯖置驛遠封千里脯直  
分膏潤丐三彭自蓄腥昏招二豎齧肥豈獨齒先亡蘊毒將無  
脾半腐嗜好酸鹹那可醫性靈淡泊誰能咀豉香鹽白最宜人  
飲血茹毛終勝古養賢何必盡大烹食淡豈惟爲小補眞香融  
洽畱齒牙元氣清虛還臟腑已辨冰壺作佳傳更從玉版參禪  
語久含此意何時吐樂事行將與君賭候鳥驚人呼九扈可惜  
流光去如弩豈不懷歸念終窳安能縮地師壺公從此棲山友  
巢父誰非沮溺徒乃與絳灌伍使我有田可芸門可杜胡不脫  
冠爲履直筆研將來投一炬吁嗟乎芻狗文犧何足數灌園叟  
賣菜傭閉門何地無英雄君不見邵平鋤瓜東門外楊惲種豆  
南山中當時亦復肉五鼎粟萬鍾一跌遂與農夫同何若畱侯

辟穀從赤松不然采芝徑躡東園公可憐桃梗畏春雨卻憶蕪  
菜驚秋風身無韁鎖誰羈籠驅之驅之吾欲東人定不憂天不  
從君其圃矣吾其農

述懷二十首

堂堂日月跳雙丸三十三年指一彈社燕春秋常在客臺烏朝  
夕也當官聯翩鳧縹朝班數黯淡魚綾刺字漫珠米桂薪居不  
易漸愁無計戀長安

對罷天人日易傾金光未與照通明六州鑄鐵難成錯千佛繙  
經幸有名露電渾忘如許事風雷敢激不平聲年來已得安心  
法夢穩曾無寵辱驚

容容白壁復何常執袴儒冠各自強世路突梯紛得路官場牽  
線互登場願從曼倩稱諧隱敢道寬饒是醒狂仕宦頭顱可知  
已翻愁四十尚爲郎

悔餘菴詩稿卷三

九

牛飲園  
藏書

出手長虹走太阿十年英銳漸消磨徘徊西掖吟紅藥轉側南  
宮佩紫荷閱歷行知青眼少公卿坐看黑頭多畏寒亦擬分餘  
煖冰老成晶不受呵

殘羹不肯乞人餘落佩何由與世疏使氣安知程不識慕名眞  
愛蘭相如狂言迺坐猶耽酒刻意歸山欲著書一笑窮愁應舍  
我天心從古有乘除

自信才如腹背毛不矜六翮負風高倚門骯髒愁胡底索米侏  
儒媿若曹豪舞強酬渾脫帽新聲終賤鬱輪袍時宜難合甘藏  
拙南郭吹竽幸未逃

不辨官私兩部蛙午餘猶未放蜂衙凡才自分應題鳳了事無  
能欲畫蛇胥吏滿堂頭戢戢文書信筆手沙羔羊退食委蛇

甚投謁頻迂道左車

朱墨橫斜日日仍清班長羨秘書丞儘呼鞞伯譏常袞自號窟  
官笑薛能一快何殊吹劔首九迴猶復夢觚棱勳名氣節兼難  
事身世應慙過耳蠅

癡蠅鑽紙出無時磨蝎臨宮命可知豈有高文通狗監悔將餘  
技雜牛醫上池未受長桑訣下里難工短李詩竿牘頻年無一  
當元興空為剡藤悲

同日霓裳詠大羅人文誰足重登科杜陵本自陳芳國同年生

存義劉秩能當曳落河同年生袁太史績懋猿鶴不從君子化麟鸞未鞞古

人多西清二妙真無負獨媿昌言被墨磨

囊書囊筆為誰勞潘鬢驚秋見二毛名士果然如畫餅詩豪不

在敢題糕難安一字應師鄭拭詩文得力於鄭守庭師自有千秋莫和陶風

悔餘舊詩稿卷二

十

半畝園藏書

雅正多行樂地詞人何苦續離騷

土炭酸鹹嗜好奇清狂自是藥難醫金釵典盡猶供客鐵限磨

穿為索詩多事漸令犀首厭絕才難儗虎頭癡爨桐椽竹精靈

在定有中郎拂拭時

感恩知已古來難匏竹同聲始叩彈小海歌來羈夏統大山仙

去困劉安不知飯賴因何瘦誰念綈袍至此寒卻憶故園風雨

裏漁樵相狎有餘歡

早知天意有溫涼車笠何由誓不忘祖席紛紛餞梁柳私書屢

屢屬陳湯纏頭紅錦徵歌費點目黃金著筆忙東閣柴門吾未

可但求閒靜養心光

慣引鹽車上太行驪騮底處有康莊短衣楚製新儒服長鋏齊

歌舊客裝壬寅冬慧秋穀師節制東河杖先是因留佐幕鶴脰曾欺鳧脰

短黍頭翻如麥頭昂人生漫浪初無定浪土何須羨漫郎  
障籠王戎信足嗤輸邊卜式亦堪疑故人不願逢高賀死友安  
能得趙岐金穴祇愁無著處冰山豈料有傾時紛紛印綬從牢  
石一跌方知拔足遲

聽盡都人毀譽聲鐵中猶意得錚錚狐惟善媚牢難逐雁不能  
鳴斷可烹冠履沿緣躋獨坐旂常索莫度榮名汗青例有文人  
壽漫與蜉蝣共死生

生男底事祝桑弧天下安能用腐儒衣縫欲弭慈母綫鼎供思  
乞大官厨可憐北郭無私粟苦憶南山有舊廬夢想買田儲菽  
水俸錢難足况求餘

莊烏時時動越吟不將蠻語改鄉音少年雞鞠歡場少故國鱸  
莼夢境深魯酒細嘗知世味吳鉤笑看見雄心秀之但乞山資

足未要腰圍釘寶金

江上青峯舊釣遊築臺已擬命休休韜藏奏議三千牘排比朋  
觥一百籌貞白挂冠當及早小紅按曲待何修莫愁洛社風流  
盡要與香山角唱酬

早朝詞二章

首章 內廷  
次章 圓明園

東華門外曉寒高霜滿烏韉月滿袍奔走可憐何事業公卿誰  
謂不賢勞森嚴鶴禁臨三殿慙媿鳩班長六曹拖紫紆書紛在  
眼此身真不抵秋毫

夜分待漏曉參毫奏議頻煩冠六曹風引泉聲鏘雜珮月團花  
影繡春袍森森鶴脰千官肅業業螭頭九級高十載郎潛無報  
稱駿奔何敢告賢勞

悔餘舊詩稿卷三

十一

牛畝園  
藏書

書事四首

長安人似海處處有風波莫恃聲光在其如福命何秋雲情意薄夏日律文苛獨笑營營者青蠅熱處多

要路千人指高門五鬼攀浮榮狂似水急步躓於山九品原虛器三台是險關已經凌絕頂安得不來還

交友甘如醴封侯曲似鉤生成關氣運仕宦爲身謀河鯉偷龍角山羊戴虎頭用才多貌取閱最爲優

世事彈棋局人材勸酒胡不平無可詎自倒有誰扶禍福非關馬榮枯莫問烏東方能跌宕一飽學侏儒

開車

寒雲挾天墜驚砂奪路走鞭聲怒如爆燈影大於斗簸之復揚之糠秕在箕口嗟哉行路難可暫不可久

打尖

悔餘葦詩稿卷三

十二

半畝園藏書

饑者易爲食入門趨下車尊前列四簋有齒不敢茹投箸三太息眷言思吾廬啜粥亦可喜菜根香有餘

于役易州作四首

垂楊如海起風煙渺瀰春光綠上天繞袖粘鞍飛絮活隨他飄泊十三年

萼跗銜接綠芙蓉花一重兼葉一重不落尋常青鳥格萬山迴

抱一支龍

肅肅長松護翠微排當成列繞成圍山風夜作秋濤涌十萬鬚龍怒欲飛

買山願學蜘蛛隱飲水甘爲蚯蚓廉桂蠹斐蟲生有性只宜辛苦不宜甜

鴻恩寺小憩

迤邐三叉路清冷一尺流頽陽明鳥背新水活魚頭梵塔遙相  
指征車暫且休前程姑莫問得意儘勾留

王官莊夜坐二首

煙月門無禁風雲路自通夢回千里外身在萬山中棧豆喧饑  
馬燈花闖暗蟲熙來仍攘往人事可憐同  
夜靜風呼水天低月按山有人披葛帔無寐倚松關亂樹龍蛇  
活荒叢虎豹頑薄寒回就枕明日約追攀

閒憶二首

走馬奔車鬧似蜂少年裙屐日相從仙期私遞三青鳥博進平  
輸一白龍隨喜欲依香界住放狂思乞酒泉封歡場轉燭供閒  
憶獨據枯梧百事慵

打槳如飛倚短篷虎邱鶴市恣西東兩邊嘉樹迎舟綠百種名

梅餘菴詩稿卷三

十三

半畝園藏書

花照酒紅夜半笙歌高入月日中冠蓋競趨風當時意氣無人  
敵不盡消磨化斷虹

游泰甯寺二首

野樹無情碧山花稱意開水從高嶺落雲自別峰回天地能含  
蓄仙靈定往來人蹤不到處元氣尚胚胎

蟻埴千峰蠹蛛絲一徑微風回爭路出雲起挾山飛濟勝矜游  
具忘勞習化機不知于役久魚鳥漸相依

老公營曉發

深山纔落葉秋色已蒼然老木森長戟平岡散列錢摹真窮畫  
手攬勝竦吟肩不盡牢愁意和雲墜馬前

偶成

紅綠蜘蛛引細絲拂簾花亞過牆枝消閒正擬尋棋局鄰院剛

聞落子時

與祥子占郎中山中閑步

空山新過雨草木吐幽香苔石留斑厚松溪瀉綠長人宜三伏  
住天與十分涼其愛無塵地裴裊待月光

觀華蓋山雲

雲山互吞吐坐我縱奇觀日色明殘雪風聲走急湍離披千葉  
散飛舞萬花團變幻紛無已人情一例看

山齋曉望

山靄濃於染紅藍繪曙光宿雲埋樹色新露縱花香約客攜棋  
局呼童負藥囊前溪松栝下散坐納朝涼

宿桃花屯

不能知肉味豈但食無魚畦韭充新饌江菀憶故廬十年隨宦

悔餘舊詩稿卷三

十四

半畝園  
藏書

轍三月斷家書卧聽南飛雁翩翩我不如

半壁店

大道風沙暗深山水木清但容充小隱何苦逐長征冷宦歸無  
計饑驅事有程黃梁炊未熟又聽馬蹏聲

續夢中詩  
有序

癸丑八月夢與友人攜酒賞花花大如斗形如牡丹

紅色千瓣金光爛然與落日相映旁有錦車十數皆  
坐麗人小婢夾侍因作七律兩章醒後光景歷歷在

目僅記詩中項聯因續成之

金界莊嚴縹落霞暝煙初合似籠紗春能并力開千葉日有餘  
暄放一花大白競浮三酸酒小紅遙引七香車是因是想渾難

解聊復吟詩記夢華

恭謁

昌陵

時充陵地宮

昌西監督

橋山弓劍遂瞻依佳氣蔥蔥繞翠微日熨宮牆紅起燄雨封磬石綠生衣山圍馬鬣天皆小樹長龍鱗夜欲飛曾見聖人親祭告萬燈環列漢官儀

感事

名心燒死總難灰日暮途窮氣未頽紅鶴可嫌堅不去黃雞底用苦相催長饑生恐從孤竹昏醉何由醒大槐送老就貪燕玉煖田園無盡肯歸來

遣病

生被風霜併力欺未年四十已支離古而無死今何有壯不如人老可知黃蘗參禪忘我相赤松訪道待吾師安心便是治心藥莫漫勞心索藥治

悔餘詩稿卷三

十五

半畝園藏書

夜起趨朝

厯落輪蹄布九衢霜華蓋地一塵無清風初振趨朝玉明月猶懸照乘珠萬戶千門齊洞關五更三點正傳呼曉寒消受頻年慣自詡精神比鶴臞

壽張南山年丈

洛如花綺五羊城羈貫稱詩便有聲前輩題呼越秀中原壇玷狎齊盟次山眉宇從無迕季海毫端正不平如此丰標如此筆量才豈分隔方瀛

荀鶴芝祥奕葉稠曲江清伐振南州傳家科第緝三喜報國文章續四愁是處花因潘令滿至今樹爲召公留隼旌熊軾尋常看別有心光照選樓

三管尊嚴著作林謨觴新闢蚤抽簪鉛丹例有名山壽金紫難

迥止水心乍蒼菟裘開梓澤自編鴻寶記苔岑最難賢助襄秋  
駕琴御和平邕好音

易州曉發

喔喔雞聲夜向晨霜花覆地不飛塵路隔黃葉追風片天末紅  
雲起日輪隔水微聞煙外語閉門翻羨夢中人浮生會有閒時  
候宦海從無自在身

夜起

香衾溫奕睡膏騰融盡胸中一段冰俗累未能身外屏喚聲不  
覺夢中麈索衣顛倒忙推枕吹火從容自點燈爲趁朝班聽鼓  
出天街馬跡已層層

陵松

一自髯龍下鼎湖蒼胡綠甲滿平蕪森然漢仗百君子晒彼秦

悔餘菴詩稿卷三

十六

半畝園藏書

封五大夫積翠朝涵雲氣重奔濤夜涌月華孤橋陵宰木天生  
別試問他山有此無

涿州道中

雙塔參差雉堞低驅車已近涿州西平疇新雨開蛙唱歸路斜  
陽亂馬蹏亞水雜花粘宿蜨環村矮樹穩棲雞此中人與風塵  
隔祇恐重來路已迷

夜赴園直

灑然涼意滿風入馬蹏秋巖鼓開城闌疏燈出市樓樹僵奇鬼  
立水活眾星流露重浮塵息蕭寥萬象幽

內直曉望

清氣滿大宅斯人領受疏不知春也暮可愛日之初神味山尊  
淡心靈水鏡虛悠然游物外何似夢華胥

雨後散步

霽日瑩如鑄溼雲顏欲眠花香紅乍迸樹影綠初圓茗椀嘗新  
水檀爐養細煙萬園纔十笏風物盡鮮妍

敬琴舫師招遊西城廢園

蛩吟鳥語語淒涼秋入樓臺冷帶霜飛去積金成蛺蝶啄黍殘  
瓦化鴛鴦倚牆喬木相爭長亞路閒花自在香憶昨城東光照  
眼巨卿正置午橋莊

中秋觀諸女供月

淡寥秋氣杳如煙清露沾衣冷著棉四面樓臺瞻漢闕兩頭簫  
管憶吳船天無障翳空中徹月有精神分外圓忙煞中庭小兒  
女安排瓜果供冰筵

廣寒宮闕自沈沈電羽何從識秘音積雪空明同此色微雲點

悔餘菴詩稿卷三

十七

半畝園藏書

綴復何心一家天幸團圓在千里鄉思宛轉深卻憶年時歡宴

罷移牀圍坐桂花陰

偶成

萬物何曾有定名自爲好醜自枯榮人無相肖知天巧地不能  
平見世情命定且憑強判斷身安何用苦經營紛紜蠻觸爭蝸  
角芒芴於今羨始生

易州山中雨後

華蓋東西爽坐閒魚鱗層疊看雲還笙鏞酣暢風中瀑金碧鮮  
明雨後山未得肩昇四游歷且支手版一偷閒林泉佳絕無佳  
句與石爲鄰比石頑

山居秋夜

孤館秋涼倚短檠難書危坐已三更月侵幽幌沈霜氣葉下空

庭驟雨聲景色荒寒天亦老身心安靜夢猶清入山便覺山居  
好回望家山倍有情

夜望

涼天如水十分清遠樹和煙媚晚晴山擁雙螺銜月起風扶一  
鴈帶雲行參差星火光初澹繹絡松濤勢不平獨倚柴關渾廢  
寢未妨吟嘯到雞鳴

秋夜

山中談笑渺吾徒閉戶挑燈一事無秋老寒蛩疑梵唄夜深怪  
鳥儼人呼投閒嬾作聞雞舞擾睡思求卻鼠符鄉入黑甜容久  
戀索衣暫免早朝趨

羅江東

天與才名不與官一生瓠落似方干詞章有格千秋定君相無

梅餘菴詩稿卷三

七

牛放園  
藏書

權一第難奇士攻詩偷奧妙名王張幕庇孤寒當時賓主稱魚  
水猶勝東僮首菡盤

自嘆

輪蹄十載碾塵泥朱墨橫斜逐日批階級不移同水馬文章無  
用等山雞堂堂白日渾如矢嶷嶷青雲未有梯仕豈爲貧貧且  
仕城南僦屋暫安棲

早起寓園納涼

曉色明金翠新涼透綺羅露荷珠不定風竹玉相磨樹密蟬聲  
久花深蝶夢多俗塵猶未起聞靜樂如何

